

Inatsisissatut siunnersummut oqaaseqaatit**Inatsisissatut siunnersummut oqaaseqaatit nalinginnaasut****1. Aallaqqasiut**

Inissiani attartortittakkani ineqarnermut tapiissutit pillugit Inatsisartut peqqussutaata nr. 3, 31. maj 2001-imeersup akuerineqarneratigut namminersortutut attartortitsisartuni attartortunut ineqarnermut tapiissuteqartarnissaq periarfissinneqarpoq. Inissiani attartortittakkani ineqarnermut tapiissutit pillugit nutaamik inatsisartut inatsisisaannik siunnersuuteqarnermi, taamatullu aamma tapiissuteqarnissamut killiliussat il. il. pillugit nalunaarutip saniatigut inissiap taassumalu aaqqissugaanera eqqarsaatigalugit immikkut piumasaqaasiornikkut ineqarnermut tapiissutit aningaasannanniutigineqarsinnaanerisa killilersimaarnissaat siunertaavoq.

Tamatuma saniatigut inunnik isumaginninnermi malittarisassani nutarterisoqarnissaa pillugu Naalakkersuisut takorluugaasa naalakkersuinikkut piviusunngortinnissaattut inatsisissatut siunnersuut isigineqassaaq. Tamanna ilaatigut pissaaq ineqarnermut tapiissutisinissamut maannakkumut naatsorsueriaatsip allanngortinneratigut maannakkut aningaasarsiarineqartut akileraaruteqaataasussat tunngavigalugit akileraarutitigut ilanngaateqartinnagit naatsorsuisalernikkut. Taamaaliornikkut innuttaasup maannakkut aningaasarsiaanut naapertuunnerusumik ineqarnermut tapiissutit naatsorsortarnissaat qulakkeerneqassaaq.

Tamatuma saniatigut siunnersuutigineqarpoq, ineqarnermut tapiissutit tunniunneqarneranni nakkutillosoqarnissaa pillugu aqutsisoqarfip nakkutillisussaaitaanera atuutilersinneqassasoq, taamaalillutik aningaasat tunniunneqartut innuttaasup aningaasanik pisinnaaneranut naapertuunniassammata.

2. Siunnersummi immikkoortut pingaarcerit

Pisinnaatitaaffimmut atuuttumut tunngatillugu siunnersuutitut saqqummiunneqartumi makku erseqqissarneqassapput:

2.1 Massakkut aningaasarsiat akileraaruteqaataasussat akileraarutitigut ilanngaateqartinnagit Massakkut Inatsisartut peqqussutaanni atuuttummi ineqarnermut tapiissutinut tunniunneqartartut inoquigiinni ukioq kingullermi akileraarfiusumi qaninnerpaami aningaasarsiarineqartut akileraaruteqaataasussat tamarmiusut tunngavigalugit naatsorsorneqartarput.

Taamaattorli aningaasarsianut akileraaruteqaataasusanut kingullernut ilisimaneqartunut assersuullugu qinnuteqarnerup nalaani inoquigiit aningaasaqarnikkut atugarisai annertuumik allanngorsimasinnaapput.

Qinneqarnerup nalaani naatsorsuinissamut tunngavigineqartup massakkut akileraarutitigut ilanngaatitaqanngitsumik massakkut aningaasarsianut allanngortinneratigut ineqarnermut tapiissutinik tunniussisoqarnerani inoqtigii massakkorpiaq isertitatigut atugarisaannut naapertuttoqarnerussaaq. Massakkut aningaasarsiarineqartut akileraarutitigut ilanngaateqartinneqanngitsut tunngavigalugit ineqarnermut tapiissutinik tunniunneqartunik naatsorsuisarneq inoqtigii ukiumi akileraarfiusussami kingullermi qaninnerpaami aningaasarsiaat aallaavigalugit naatsorsuisarnermiit naapertuunnerulernissaa naatsorsuutigineqarpoq.

Aningaasarsiat massakkut aningaasarsiatut akileraaruteqaataasussatut akileraarutitigut ilanngaateqartinnagit naatsorsorneqassapput.

Maannakkut tunngaviutinneqartumut atuuttumut sanilliullugu, tassani aningaasarsiat akileraaruteqaataasussat (inaarutaasumik akileraarusiisarneq) ukiumi akileraaruteqarfiusumi kingullermi aningaasarsiarineqartut aallaaviutinneqartarnerinut periusissap nutaap allaanerussutigaa qinnuteqarnerup nalaani ilanngaaseereernani aningaasarsiat akileraaruteqaataasussat eqqortut aallaavigineqartussanngornerat, tamatumanilu aningaasarsiat akileraarutitigut ilanngaatigisassanit appartinneqartussaanatik, taakkununngalu ilaallutik amigartoorutaasinnaasut, taamaaliornikkullu qinnuteqartut tamarmik assigiinnerusumik sullinnejqarsinnaalerlutik.

Aningaasarsiat akileraaruteqaataasussat tunngavigalugit naatsorsuisarnerup (ukioq inaarutaasumik akileraarfusoq kingulleq) maannakkut aningaasarsiat (maannakkut ukioq akileraarfusoq) tunngavigalugit naatsorsuisarnermi tunngavigineqartup inatsimmi allanngortinneratigut inoqtigii qinnuteqarnerup nalaani aningaasarsiai naatsorsuinermi tunngaviutinneqartalerpata naatsorsuisarnerup naapertuunnerusunngornissaa naatsorsuutigineqarpoq.

2.2 Inissiamut taassumalu aaqqissugaaneranut tunngavigineqartussat
Maannamut inatsit atuutsinneqarsimasoq malillugu ineqarnermut tapiissutit aningaasartassaat inissiami meeqqat amerlassusaat isertitallu akileraaruteqaataasussat tamarmiusut katinneri tunngavigalugit aalajangersarneqartarpuit.

Ineqarnermut tapiissutinik tunniussinissamut tunngavigineqartut inatsisisstatut siunnersuut aaqtigalugu oqaasertaliussamik "inissiaq taassumalu aaqqissugaanera" ilaneqarput. Tamatumalu kingorna tunngavigineqartoq Inatsisartut inatsisaanni piumasaqaatit aalajangersarneqartut allat assigalugit ilanngunneqarluni. Tunngavigineqartussap nutaap atorneratigut "inissiaq taassumalu aaqqissugaanera" nalunaarutikkut inissianut aalajangersimasunut ineqarnermut tapiissutinut aningaasanik qanoq annertutigisunik tapiissuteqartoqarnissaanut aningaasanut erseqqinnerusumik aalajangersaasoqarnissaa periarfissinneqassaaq.

Oqaasertaliussap inissiaq taassumalu aaqqissugaanera ilanngunneqarpoq attartortut ataasiakkaat apeqqutaatillugit ineqarnermut tapiissutit nikingassutaasa nalimmassarneqartarnissaat tunngavissikkumallugu. Ineqarnermut tapiissutinut malederuagassani iluanaarniartoqarsinnaanerata killilersimaarnissaa pillugu naalakkersuinikkut kissaateqartoqarnera tunngavigalugu aalajangersagaq atorneqalerpoq, tassami peqqussut manna atuuttoq malillugu tamatumunnga periarfissaqanngimmat.

Nalunaarutip atorneqarfissaa pillugu erseqqissaat sukumiinerusoq imarisala § 5, imm. 1-imut aamma § 8, imm. 2-mut oqaaseqaatini allaqqapput.

2.3 Nakkutiginnittussaatitaaneq

Inatsisissatut siunnersuut aaqtigalugu ineqarnermut tapiissutinut akuersissuteqarnermut tunniussinermullu kommunip nakkutiginninnissaanut inatsisitigut aalajangerneqartumik nakkutiginnittussaatitaanermik atuutilersitsisoqassaaq. Aalajangersakkami oqaasertaliunneqartut malillugit ineqarnermut tapiissutit tunniunneqartut eqqortuunersut aamma innuttaasup aningaasarsiarisaanut naapertuunersut ingerlaavartumik misissortarnissaannut kommuni pisussaaffilerneqarpoq.

2.4 Inatsimmut nassuaatini nalinginnaasumik allannguutit

Tamakku saniatigut inatsisissatut siunnersuutip ilusaanik allanngortitsisoqarpoq, soorluttaarlu aalajangersakkanut ataasiakkaanut nassuaatit inatsimmut atuuttumut sanilliullugit itisilerneqartut.

3. Pisortanut aningaasatigut allaffissornikkullu kingunerisassai

3.1. Pisortanut aningaasaqarnikkut kingunerisassai

Maannakkut aningaasarsiarineqartut tunngaviutittalernerisigut piffissami ungasinnerusumi ineqarnermut tapiissutinik tunniussisoqarnerani pisortat sipaaruteqarnerulernissaat naatsorsuutigineqarpoq. Pisortat ineqarnermut tapiissutinut aningaasartuutaasa qanoq annertutigisumik sipaarutaasinnaanerannik naatsorsuineq ineqarnermut tapiissutit tunniunneqartut amerlassusaannut missingiineq aaqtigalugu pingarnertigut isiginiarneqassaaq, taamaalsoqarneranimi ineqarnermut tapiissutinut aningaasarsiaanut naatsorsuinerit misissorneqarsimannngitsut aallaavagineqartarmata.

Inissiaq taassumalu aaqqissugaaneranut tunngavigineqartup atorneratigut ineqarnermut tapiissutit annertussusiisa il.il. sanilliunnerisigut § 8, imm. 2 naapertorlugu nalunaarummi suliarineqartussami malittarisassanik sukumiinerusunik Naalakkersuisut aalajangersaanissaminntun tunngavissaqalissapput.

Aningaasaqarnikkut kingunerisassai akileraarutinut aningaasarsianullu paasissutissat kiisalu ineqarnermut tapiissutinut paasissutissat 2013-imeersut aallaavigalugit naatsorsorneqarput.

Ilanngaaseereernani aningaasarsiat aallaavigalugit naatsorsuisoqarpoq, taakkunanngalu 10.000 kr.-nit ilanngaatigineqarlutik.

Pisortanut aningaasaqarnikkut kingunerisassaasa naatsorsorneranni ukiumut 12,8 mio. kr.-inik sipaartoqartarnissaa naatsorsorneqarpoq. Tamakkiisumik sipaartoqarsinnaanera anguneqassaaq nalunaarut ilaasussaq atuutsinneqalerpat.

3.2. Pisortanut allaffissornikkut kingunerisassai

Inatsisisatut siunnersuutip pisortat allaffissorneranni oqimaatsorsiortitsilernissaa ilimagineqarpoq, tassami inatsisisatut siunnersuut aqqutigalugu ineqarnermut tapiissutinik innuttaasumut tunniussisoqarnerani aningaasat tunniunneqartut naapertuuttuunersut kommuninit misissorneqartalertussaammata.

4. Inuussutissarsiortunut aningaasatigut allaffissornikkullu kingunerisassai

Ineqarnermut tapiissutit annerpaaffissaata nalunaaruteqarnermi annertussusilerneqarsinnaaneranik inatsisisatut siunnersuut periarfissiivoq. Inissiap aaqqissugaanera apeqquaalluni aningaasat annerpaaffissaat aalajangerneqartassaaq. Inissiaq taassumalu aaqqissugaaneranut tunngavigineqartup atorneratigut attartortitsisut attartornermut akimik appaanissaannut imaluunniit attartugassap aaqqissugaaneranik pitsangorsaanissamut, attartugassat inoqannngitsut pinngitsoortinniarlugit, kajumilersinneqassasut naatsorsuutigineqarpoq.

Inatsisisatut siunnersuutip inuussutissarsiortermut allaffissornikkut annertuumik kinguneqarnissaa naatsorsuutigineqanngilaq. Attartortitsisut ataasiakkaat inatsimmi taassumalu nalunaarutitaani ineqarnermut tapiissutinik pisarnissamut piumasaqaatit aalajangiunneqartut eqqumaffigissavaat.

5. Avatangiisinut, pinngortitamut innuttaasullu peqqissusaannut kingunissai

Siunnersuut avatangiisinut, pinngortitamut innuttaasullu peqqissusaannut kinguneqartussatut ilimagineqanngilaq.

6. Innuttaasunut kingunissai

6.1 Massakkut aningaasariarisat

Maannakkut aningaasariarieqartut naatsorsuinermi tunngaviutinneqartarnissaasa atuutilersinneratigut ineqarnermut tapiissutit aningaasartaasa annertussusissaat innuttaasup maannakkut aningaasaqarnikkut atugarisaanut naapertuunnerulissapput. Taamaaliornikkut aningaasat tunniunneqartut, aningaasallu innuttaasup ilumoortumik pisinnaasaata akornanni naapertuttoqarnerulernissaa qulakkeerneqassaaq.

6.2 Inissiamut taassumalu aaqqissugaaneranut tunngavigineqartussat.

Inissiaq taassumalu aaqqissugaaneranut tunngavigineqartup atorneratigut ineqarnermut tapiissutit annertussusaasa il.il. sanilliunnerisigut § 8, imm. 2 naapertorlugu nalunaarummi suliarineqartussami malittarisassanik sukumiinerusunik Naalakkersuisut aalajangersaanissaminntun tunngavissaqalissapput.

Inissiaq taassumalu aaqqissugaaneranut tunngavigineqartup atorneratigut attartortitsisut attartornermut akimik appaanissaannut imaluunniit attartugassap aaqqissugaaneranik pitsangorsaanissamut kajumilersinnejassasut naatsorsuutigineqarpoq. Tamanna attartortut ilaannut inissiat pitsaanerulerannik attartornermullu akit annikinnerulerannik kinguneqassaaq. Inissiaq taaassumalu aaqqissugaanera peqquaalluni ineqarnermut tapiissut annikillineqassappat, attartortitsisullu attartukkap pitsaassusaa allanngortinngippagu imaluunniit attartornermut akia annikillinngippagu, taava attartortitsisup attartortup isertitaanut naleqquttumik attartornermut akigitinneqartoq ujartortariaqassaneranik kinguneqarsinnaavoq.

7. Kingunerisassai pingaaruteqartut allat

Siunnersuut pingaarutilinnik allanik kinguneqassasoq naatsorsuutigineqanngilaq

8. Oqartussaasunik, peqatigiiffinnik il.il. tusarniaaneq.

Siunnersuut maajip 15-ani 2015-imiit juunip 19-ata tungaanut 2015-imi ukununnga tusarniaassutigineqarpoq:

Naalakkersuisut Siulittaasuata Naalakkersuisoqarfia, Peqqissutsimut Naalakkersuisoqarfik, Aningaasaqarnermut Naalakkersuisoqarfik, Aatsitassaqarnermut Naalakkersuisoqarfik, Inuussutissarsiornermut, Suliffeqarnermut Niuernermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Ilanniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Pinngortitamut, Avatangiisinut Inatsisinillu Ataatsitsinermut Naalakkersuisoqarfik, Ineqarnermut, Sanaartornermut Attaveqarnermullu Naalakkersuisoqarfik.

KANUKOKA, Isumaginninnermut Naammagittaalliuuteqartarfik, Kommunernes Revision, Kattuffik Utoqqaat Nipaat, Inuit Pisimnaatitaaffiinut Kalaalit Nunaanni Siunnersuisoqatiget, Dansk Institut for Menneskerettigheder, Inooqat, MIO, IMAK, AK, NUSUKA, SIK, PIP, Grønlands Erhverv, ASG, PPK, KNAPK, Agerskov Consulting, GrønlandsBanken, BankNordik, Grønlands Revisionskontor A/S, EY Grønland, Illuut, INI, Iserit, Qaasuitsup Kommunia, Qeqqata kommunia, Kommuneqarfik Sermersooq, Kommune Kujalleq.

Ukunannga tusarniaanermut akissuteqartoqarpoq:

Institut for Menneskerettigheder, BDO, Isumaginninnermi Naammagittaalliuuteqartarfik, Inooqat, SIK, KANUKOKA, MIO, IMAK, PPK. Ineqarnermut, Sanaartornermut Attaveqarnermullu Naalakkersuisoqarfik, Qeqqata Kommunia, Qaasuitsup Kommunia,

Uku oqaaseqaateqanngillat:
Institut for Menneskerettigheder, IMAK.

Tusarniaanermut akissutini Ilaqtariinnermut, Naligiissitaanermut Isumaginninnermullu Tunngasunut Naalakkersuisoqarfimmut tunniunneqartuni pingaarnertut taaneqartut tulleriaarlugit ataani takutinneqarput. Matumani tusarniaanermut akissutigineqartut iluarsillugit atoqqinnejnarneri pineqarput, taakkunanilu naalakkersuisoqarfiup tusarniaanermi akissutinut oqaaseqaatai naqinnernik orlingasunik allanneqarlutik.

Inooqat

Inooqat erseqqissaavoq innarluutillit inissiani illersukkani imaluunniit allatigut immikkut inissiani najugaqartut, kommuninullu ineqarnermut akiilitinik akiiliisartut ineqarnermut tapiissutinik tunineqarsinnaanngimmata. Inooqat kissaateqarpoq inuit taakkua ineqarnermut tapiissutinik tunineqarsinnaasariaqartut.

Inatsisisatut siunnersuut aqutigalugu ineqarnermut tapiissutinik tunineqarsinnaasut amerlineqarnissaat eqqarsaatigineqarsimanngilaq. § 1 malillugu ineqarnermut tapiissutinik inissianut Inissianik attartortittakkat pillugit Inatsisartut peqqussutaannut ilaasunut tunniussisoqarsinnaavoq.

Isumaginninnermi Naammagittaalliuuteqartarfik

Isumaginninnermi Naammagittaalliuuteqartarfip tusarniaanermut akissuteqarnermini erseqqissarlugu oqaatigaa qanoq ililluni inatsisisatut siunnersuut siunertaq malillugu ingerlanneqarsinnaassanersoq.

Oqaaseqaatit taakku suliap ingerlateqqinnissaanut ilanngullugit eqqarsaatigineqarumaarput.

Isumaginninnermi Naammagittaalliuuteqartarfip siunnersuutigaa § 12 imaalillugu allanngortinnejassasoq, tassalu qinnuteqaatip akuerineqarfia qanoq ilineratigut ineqarnermut tapiissutinik tunineqarnissamut aalajangiisuusariaqanngitsoq.

Oqaatigineqartoq tusaatissatut tiguneqarpoq, inatsimmilu oqaasertaliunneqartut allanngortinnejarlutik, taamaalilluni qinnuteqaat tunniunneqareerpat piumasaqaatillu naammassineqarsimappata, innuttaasoq ineqarnermut tapiissutinik pisinnaatitaalissalluni.

BDO

BDO-mit siunnersuutigineqarpoq oqaasertaliussaq "maannakkut aningaasarsiat" imatut oqaasertalernejassasoq "maannakkut aningaasarsiat akileraarutitigut ilanngaateqartinnejeqanngitsut".

Oqaatigineqartoq tusaatissatut tiguneqarpoq, tassungalu naapertuuttumik oqaasertai allanngortinneqarlutik.

BDO-mit siunnersuutigineqarpoq § 7 malillugu kommunit misissuisussaatitaanerat atuaruminartumik ilitsersuusiornikkut sukumiinerusumik nassuiardeqassasoq.

Oqaatigineqartoq tusaatissatut tiguneqarpoq, ilitsersuullu naalakkersuisoqarfimmuit suliarineqartoq aqqutigalugu sukumiinerusumik nassuiardeqarumaarluni.

SIK

SIK-mit siunnersuutigineqarpoq inatsisissatut siunnersuummi atuisunut akiliuteqartitsisarneq ilanngunneqassasoq, tassami inissiani tamaniunngitsoq atuinermut uuttuutinik immikkut ikkussuisoqarnikuummat. SIK-mit erseqqissarneqarpoq najugaqartut inissiani inoqanngitsuni kiassarnermut akiliuteqartarmata. Tamannalu pissutigalugu SIK-mit kissaatigineqarpoq atuinero 50 %-ia ineqarnermut tapiissutinut ilannguttariaqartoq. SIK-mit ilanngullugu erseqqissarneqarpoq attartortut ilaatigooriarlutik atuinermut naapertuuttumik ineqarnermut akiliuteqartartut.

Oqaaseqaatigineqartoq tusaatissatut tiguneqanngilaq. Inatsisissatut siunnersuummi § 4, imm. 1-imi takuneqarsinnaavoq ineqarnermut tapiissutit ineqarnermut akiliummut tunniunneqartartut. § 4 imm. 2-mi takuneqarsinnaavoq ineqarnermut tapiissutit atuinermut aningaasartuutinut aamma atuisut aningaasartuuteqarnerannut tunniumneqarneq ajortut. Inatsisissatut siunnersuut aqqutigalugu maleruagassanik atuuttunik allanngortitsinissaq eqqarsaataanngilaq.

KANUKOKA-mit

erseqqissarneqarpoq inatsisissatut siunnersuut kommuninut allaffissornikkut aningaasaqarnikkullu kinguneqarumaartoq, KANUKOKA-miillu inassutigineqarpoq tamanna oqaaseqaatini erseqqinnerusumik taaneqassasoq.

Inatsisinut oqaaseqaatit naleqqussarneqarput taamaalilluni maannakkut inatsisinut oqaaseqaatini takuneqarsinnaalerluni kommunit allaffissornikkut suliaqarnerulersussaasut, tassami kommunit inatsisissatut siunnersuut aqqutigalugu ineqarnermut tapiissutinut tunniunneqartunut nakkutiginnittuulersussaamata, taamaaliornikkut aningaasat tunniunneqartut innuttaasup pisassaanut naapertuunnerunissaat qulakkeerniarlugu. Isumaginninnikkut ikorsiissutit innuttaasunut pisinnaatitaanngitsunut tunniunneqartussaannginnerannut kommunit ullumikkut qulakkeerinninnissamik pisussaaffeqareerpoq. Tamanna erseqqissarniarlugu inatsisip oqaasertaani toqqaannartumik takuneqarsinnaapput.

MIO

MIO-mit meeraq angajoqqaamini marluusuni najugaqartillugu aamma angajoqqaat avissimatillugit ineqarnermut tapiissutinik tunniussisoqartarnera apeqqutigineqarpoq.

Meeqqat arnaminni angumminnilu paarlakaallugit najugaqartut inuit allattorsimaffianni nalunaarsorneqartut CPR pillugu inatsit malippaat. Tamanna ineqarnermut tapiissutit pillugit naalakkersuisoqarfiup ilitsersuutaani erseqqinnerusumik nassuiardeqassaaq.

MIO-mit siunnersuutigineqarpoq inatsisissatut siunnersummut oqaaseqaatit nalinginnaasut allanngortinneqassasut, taamaaliornikkut siunissami nalinginnaasumik oqaaseqaatini "Meeqcanut inuusuttunullu kingunerisassai" pillugit immikkoortumik takussutissaqartarniassammat.

Inatsisissatut siunnersuutip ilusilersonerani Namminersorlutik Oqartussani inatsisilerinermi teknikikkut maleruagassat malinneqarput, taakkunanilu inatsisissatut siunnersuutip ilusilernissaanut piumasarineqartut aalajangersimasut aalajangersarneqarlutik.

PPK

Oqaasertaliussaq "aalajangersimasumik angerlarsimaffik" PPK-mit apeqqutigineqarpoq.

Aalajangersimasumik angerlarsimaffittut paasineqassaaq sumiiffik (inissiaq) aalajangersimasumik siniffigineqartartoq feeriарneq, suliffimmut atatillugu angalaneq, napparsimaneq assigisaalluunniit pissutigalugit tassaniinngikkaanni siniffigineqartartoq aammalu pigisanik inissiivigineqartoq.

Maannakkut aningaasarsiat, taakkulu qanoq naatsorsorneqartarnersut PPK-p apeqqutigai.

Maannakkut aningaasarsiat akileraarutitigut ilanngaateqartinnagit maannakkut aningaasarsiatut akileraaruteqaataasussatut tamarmiusutut naatsorsorneqassapput. Mannakkut aningaasarsiat qinnuteqarnerup nalaani ilanngaaseereernani aningaasarsianik akileraaruteqaataasussanik aallaaveqarput, aningaasarsiallu akileraarutitigut ilanngaatit aqutigalugit appartinnejartussaanatik. Maannakkut aningaasarsiat ukumi massakkut akileraarfiusumi aallaaveqartinnejqarput.

"inissiap taassumalu aaqqissugaanera" erseqqissarnissaa PPK-p ujartorpa.

Oqaaseqaatit tusaatissatut tiguneqarput, inatsimnilu oqaasertaliunneqartut tamatumunnga naapertuuttunngorlugit naleqqussarneqarlutik. Inatsisissatut siunnersuut nalunaarummi

inatsit naapertorlugu atuutilersussami ineqarnermut tapiissutit inissiaq taassumalu aaqqissugaanera tunngavigalugu naatsorsisarnissamut tunngavissiissaq.

PPK-mit attartortoq paasissutissanik equnngitsunik tunniussisimatillugu utertitsisussaatitaaneq pillugu ajornartorsiutaalersinnaasut pillugit apeqquteqarpoq.

§ 11, imm. 3-mi pineqarpoq ineqarnermut tapiissutit attartortumut toqqaannartumik tunniunneqartarnissaat. § 13, imm. 1-imi tunineqartup paasissutissiinissaminik pisussaaffini unioqqutissimappagu utertitsisoqartarnissaa erseqqissarneqarpoq.

Ineqarnermut, Sanaartornermut Attaveqarnermullu Naalakkersuisoqarfik

Inatsisissatut siunnersuummi § 10-mi oqaasertaliunneqartunut tunngatillugu Ineqarnermut, Sanaartornermut Attaveqarnermullu Naalakkersuisoqarfimmiit siunnersuutigineqarpoq arlaatigulluunniit nalornisoqannginnissaa pillugu § 10-mi § 5-imut innersuussisoqassasoq.

Oqaaseqaatigineqartoq tusaatissatut tiguneqanngilaq, tassami § 10 malillugu uppernarsaasoqarnissaanik pisariaqartitsineq § 5 malillugu annertunerusinnaammat.

Qeqqata Kommunia

Qeqqata Kommuniata erseqqissarpaa nakkutiginnittussaatitaaneq aamma § 5, imm. 1 innuttaasunik sullissinermi suliaqtaasalernerannik tamanna kinguneqartussaassasoq.

Isumaginninnikkut ikorsiissutit innuttaasunut pisinnaatitaanngitsunut tunniunneqartussaannginnerannut kommuuni ullumikkut qulakkeerinninnissaminut pisussaaffeqareerpoq. Tamanna erseqqissaatiginiarlugu inatsisip oqaasertaatigut toqqaannartumik taakkua takuneqarsinnaapput.

Qeqqata Kommunianit apeqququtigineqarpoq § 5, imm. 3-mut tunngatillugu innuttaasup Innuttaasunut Sullissivimmun nammineerluni saaffiginninnissaa kommunip utaqgisassaneraa.

Oqaatigineqartoq tusaatissatut tiguneqarpoq, inatsimmullu oqaaseqaatit allanngortinneqarlutik, taamaalillunilu kommuuni nammineerluni CPR-inut Nalunaarsuiffimmiit imaluunniit nalunaarsuiffinniit allaniit paasissutissanik piniarsinnaanngortillugu.

Qeqqata Kommuniata tamatuma saniatigut suliffissaaleqisut qanoq pineqartassanersut apeqququtigaa. Apeqququtigineqartoq tusaatissatut tiguneqarpoq, taamaaliornikkut ineqarnermut tapiissutit pillugit ilitsersuummi naalakkersuisoqarfiup suliaani periuserineqartoq erseqqinnerusumik nassuiardearlunilu itisilerneqassalluni.

Qaasuitsup Kommunia

Inatsisisatut siunnersuutip piviusunngortinnissaanut ataatsimut oqaaseqaatit:
Qaasuitsup Kommunia tusarniaanermut akisummini qanoq iliorluni inatsisisatut
siunnersuutip ulluinnarni atorneqarsinnaaneranut isummersuutinik arlalinnik
erseqqissaateqarpoq. Isummersuutit tamakku naalakkersuisoqarfuiup
isummersuutigisimasaanut naapertuupput, Qaasuitsullu Kommuniata oqaaseqaatai
inatsisisatut siunnersuutip piviusunngortinniarnerani ingerlaqqinnissamut
ilanngunneqarumaarput.

Oqaaseqaatit ersarissut:

Qaasuitsup Kommunia "inissiaq taassumalu aaqqissugaanera" pillugu
erseqqissaasoqarnissaanik ujartuivoq.

Oqaaseqaatit tusaatissatut tiguneqarput, inatsimmilu oqaasertaliunneqartut tamatumunnga
naapertuuttunngorlugit naleqqussarneqarlutik. Inatsisisatut siunnersuut nalunaarummi inatsit
naapertorlugu atuutilersussami ineqarnermut tapiissutit inissiaq taassumalu aaqqissugaanera
tunngavigalugu naatsorsornissaannut tunngavissiissaq.

Qaasuitsup Kommunianit oqaatigineqarpoq kommunit nakkutilliisussaatitaanerat immikkut
erseqqissaatigineqartariaqartoq.

*Oqaaseqaatit tusaatissatut tiguneqarput, nakkutilliisussaatitaanerullu annertussusaa
ilitsersuummi naalakkersuisoqarfimmiit suliarineqartumi erseqqinnerusumik
nassuiarneqarumaarluni.*

Qaasuitsup Kommunianit erseqqissarneqarpoq § 13, imm. 1-imi oqaaseq "qinnuteqartoq"
atorunnaartariaqartoq, tassami qinnuteqartoq ineqarnermut tapiissutinik
tunineqarsimanngimmat.

*Oqaaseqaatit tusaatissatut tiguneqarput, inatsimmilu oqaasertaliunneqartut tamatumunnga
naapertuuttunngorlugit naleqqiivigineqarlutik.*

Qaasuitsup Kommunianit erseqqissarneqarpoq § 13, imm. 2-mi uppernarsaasussaatitaaneq
ingasappallaartoq atorunnaartariaqartorlu.

*Oqaaseqaatit tusaatissatut tiguneqarput, inatsimmilu oqaasertaliunneqartut tamatumunnga
naapertuuttunngorlugit naleqqussarlugit.*

Qaasuitsup Kommunia § 14, imm. 1 pillugu erseqqissaavoq atorunnaarsitsinissamut
kommunalbestyrelsip aalajangiinissaanut piumasaqaat ineqarnermut tapiissutit

atorunnaarsinneqarneranut sulianik ingerlatsinermut atatillugu sukkasuumik sulisinnaanermut tamanna killiliisoq. Tamanna tunngavigalugu oqaasertaliunneqartoq taanna aalajangersakkaniit peertariaqarpoq.

Oqaaseqaatit tusaatissatut tiguneqarput, inatsimmilu oqaasertaliunneqartut tamatumunnga naapertuuttunngorlugit naleqqussarlugit.

Aalajangersakkanut ataasiakkaanut oqaaseqaatit

§ 1-imut

Peqqussut Inatsisartut inatsisaannik taarserneqarsimammat aalajangersagaq oqaasertaatigut allanngortillugu ingerlateqqinnejarpooq. Siunertaanngilaq piviusunik allannguinissaq.

Aalajangersakkami aalajangersarnejarpooq ineqarnermut tapiissutit inissianut attartortittakkanut tunniunneqartassasut attartornermut inatsisiliornerit qaqugukkulluunniit atuuttut malillugit.

§ 2-mut

Matumani maleruaqqusat maannamut atuuttut allanngortinnerat pinejarpooq.

Inissiamik oqarnermi sumiiffik attartornermut isumaqatigiissut malillugu attartortup ineqarfigisinnaasa pinejarpooq.

Attartornermut isumaqatigiissummi inissiami anginerusumi inissiami mikinerusumi ineqarsinnaatitaaneq pineqarpat, soorlu attartornermut isumaqatigiissummi illumi anginerusumi ineeraq pineqarsimappat, attartornermut isumaqatigiissummi "inissiaq" tassaassaaq ineeraq attartortup attartornermut isumaqatigiissut aqqutigalugu ineqarfigisinnaasaatut pissarsiarisimasaa. Tamatumunnga pissutaavoq illu angisooq ineerartaqarsinnaammat attartortinnejarsinnaasunik.

Inoqtigiinnik oqarnermi attartornermut isumaqatigiissut aqqutigalugu attartortup ineqarfigisinnaasaani inuit tamarmik inissiami najugaqartut pineqarput. Aalajangersakkami erseqqissarnejarpooq inersimasut meeqqallu tamarmik inissiami inoqtigiinnut ilaallutik najugaqartut.

Aalajangersimasumik angerlarsimaffittut paasineqassaaq sumiiffik (inissiaq) aalajangersimasumik siniffiqineqakkajuttoq, suliffimmut atatillugu angalaneq, napparsimaneq assigisaalluunniit pissutigalugit tassaniinngikkaanni siniffiqineqartartoq aammalu pigisanik inissiivigineqartartoq.

Aalajangersakkap aamma kingunerissavaa meeqqat 18-it sinnerlugit ukiullit, aappaqarsimappatalu taakku ilanngullugit, angerlarsimaffimmij najugaqartut kiisalu meeqqat 18-it inorlugit ukiullit allallu inoqtigiinnut ilanngullugit naatsorsuunnejartarnissaat.

§ 3-mut

Maleruaqqusat ulloq manna tikillugu atuuttut ingerlateqqinnerat matumani pineqarpoq, taakkunanilu aalajangersakkamut nassuiaatit erseqqissaavagineqarlutik.

Imm. 1-imut

Aalajangersakkami oqaatigineqarpoq, ineqarnermut tapiissuteqartoqarsinnaanngitsoq init najugarineqartut amerlassusaasa najugaqartut amerlassusaat inimik ataatsimik sinnersimappatigit. Inissiaq najugaqartut amerlassusiinut sanilliullugu ineeqqamik ataatsimik sinneqarsimappat, ineeqqanik amerlaqataannik ikinnerusunilluunniit initaqarpat ineqarnermut tapiissuteqartoqarsinnaavoq.

Imm. 2-mut

Init najugarineqartut amerlassusiisa najugaqartut amerlassusaat inimik ataatsimik sinnersimappatigit ineqarnermut tapiissuteqartoqarsinnaanngitsoq pillugu pingaarnertut maleduaqqusat aalajangersagaq ilaatinneqanngilaq. Immikkut ittumik pisoqartillugu kommunalbestyrelsip imm. 1-imik avaqqutsisinnaaneranik aalajangersagaq periarfissiivoq.

Immikkut ittumik pisoqarnerit innuttaasup massakkut atugarisaanut sanilliunneqartassapput. Immikkut ittumik pisoqarneranik assersuutitut oqaatigineqarsinnaavoq tassanngaannartumik inoqutigiit katitigaanerisa allannguuteqarnerat. Taakkununnga assersuutaasinnaapput ilaqtariinni avittoqarsimappat toqukkulluunniit qimaguttoqarsimappat, taamaalineranilu piffissap ilaani qimagaasumut iluamik inissilluarnissamut pisariaqartitsisoqartillugu. Immikkut ittumik pisunut ilaasinnaavoq meeraq angerlarsimaffiup avataanut inissinneqarsimappat, taamaalineranilu angerlartitsisoqassappat meeqqat inearaasa tigummiinnarnissaat tulluartutut nalilerneqarpat. Taamatut pisoqartillugu pisariaqartitsisoqassagaluarpat inuttut silatusaartumillu iliuuseqarnissaq aalajangersakkatigut inissaqartinneqarpoq.

§ 4-mut

Matumani maannamut maleduaqqusat atuuttut ingerlateqqinnejarnissaat pineqarpoq.

Imm. 1-imut

Aalajangersakkami oqaatigineqarpoq ineqarnermut tapiissutit taamaallaat ineqarnermut akiliummut atorneqarsinnaasut.

Imm. 2-mut

Tassa atuinermut atuinermilu akiliutinut ineqarnermut tapiissutinik tunniussisoqarsinnaanngilaq. Atuinermut aningaasartuutini maannakkorpiaq pineqarput innaallagiaq, imeq kiassarnerlu, kingusinnerusukkulli aningaasartuutit allat ilaatinneqalersinnaapput, tassa taama ittunut akiliuteqartarnissaq eqqunniarneqarpat. Inissiani nammineq pigineqartuni ineqarnermut akiliutit atuinermilu aningaasartuutit akornanni immikkoortitsisoqarsinnaavoq.

Imm. 3-mut

Inissiani attartortittakkani ineqarnermut akiliutit inissianik attartornermut inatsisiliorneq qaqgukkulluunneq atuuttoq malillugu nassuiarneqarnissaat aalajangersakkatigut erseqqissarneqarpoq.

§ 5-imut

Matumani maleruaqqusat maannamut atuuttut allanngortinnerat pineqarpoq.

Imm. 1-imut

Ineqarnermut tapiissutit suna tunngavigalugu naatsorsorneqartarnersut aalajangersakkatigut erseqqissarneqarpoq. Ineqarnermut akiliutit, inoqtigiit akileraarutitigut ilanngaatit ilanngunnagit massakkut aningaasarsiarisaat akileraaruteqaataasussat tamarmiusut, inissiaq taassumalu aaqqissugaanera kiisalu meeqqat 18-it inorlugit ukiullit angerlarsimaffimmi najugaqartut naatsorsuinermi tunngavigineqarput.

Akileraarutitigut ilanngaatit ilanngunnagit massakkut aningaasarsiani akileraaruteqaataasussani tamarmiusuni aallaavagineqarput qinnuteqarnerup nalaani ilanngaatissat sioqqullugit maannakkorpiaq aningaasarsiarineqartut akileraaruteqaataasussat, matumanilu aningaasarsiat akileraarutitigut ilanngaatinik appartinneqarnatik, taakkununnga ilanngullugit namminerisamik aningaasatigut amigartoorutit. Massakkut aningaasarsiat akileraaruteqaataasussat tamarmiusut naatsorsorneranni aningaasarsiat A-tamma aningaasarsiat B-t ilanngunneqarput, matumani akileraarutitigut ilanngaatit ilanngaatigingikkaluarlugit. Inoqtigiit massakkut aningaasarsiaat akileraaruteqaataasussat qinnuteqarnerup nalaani naatsorsorneqassapput, tassanilu aningaasarsiat inoqtigiit ukiumi tessani qaammatisiuteqarfiusumi aningaasarsiarisimasai kiisalu inoqtigiit ukiup qaammatisiuteqarfiusup sinnerani isertitassatut ilimagisai pineqarput.

Oqariaaseq inissiaq taassumalu aaqqissugaanera aqqutigalugu ineqarnermut tapiissutit aningaasartaanni ineqarnermut tapiissutinik pisussap ilaqtatigut aningaasatigullu atugarisaata saniatigut ineqarnermut tapiissutinik pisussap attartugaa, attartukkallu aaqqissugaanera ilanngunneqartussaapput. Tunngavigineqartussami nutaami inissiaq taassumalu aaqqissugaanera aqqutigalugu inissianut aalajangersimasunut ineqarnermut tapiissutinut aningaasanik qanoq annertutigisunik tunniussisoqarnissaanut aningaasanut erseqqinnerusumik aalajangersasoqarnissa periarfissinneqassaaq. Aningaasartaanni ilaqtigut apeqquataatinneqassapput attartortinnejartup eqqiluisaarnissakkut atortutigut qanoq inissisimanera, attartortinnejartumi erngup aqqutaanik il.il. ikkussisoqarsimanersoq, taakkuninngalu imaaliallaannaq pissarsisoqarsinnaanersoq. Piumasaqaatit ineqarnermut tapiissutit annerpaaffiannik pissarsinissamut naammassineqartussat nalunaarummi inatsimmi § 8, imm. 2 malillugu atortuulersussami takuneqarsinnaassapput. Ineqarnermut tapiissutit aningaasartassaasa annertussusissaanni apeqquataassaaq attartortitami piumasarineqartut

nalunaarummi aalajangersarneqartut naammassineqarsimanersut. Ineqarnermut tapiissutit annerpaaifiannik tunineqarnissamut piumasaqaatit attartortitami naammassineqarsimassanngippata ineqarnermut tapiissutit aningaasartai annikinnerusut tunniunneqarsinnaassapput.

Imm. 2-mut

Aalajangersakkap kingunerissavaa imm. 1 naapertorlugu kingullermik naatsorsuisoqarnerata kingorna inoqutigiit ataatsimut ineqarnermut tamakkiisumik akiliutaanni, inoqutigiit akileraarutitigut ilanngaatit ilanngunnagit massakkut aningaasarsiaanni tamarmiusuni, inissiami taassumalu aaqqissugaanerani imaluunniit meeqqat 18-it inorlugit ukiullit angerlarsimaffimmi najugaqartut amerlassusiini malunnaatilimmik allanngortoqarsimappat naatsorsueqqittooqartussaanera.

Imm. 3-mut

Aalajangersakkami erseqqissarneqarpoq meeqqat 18-it inorlugit ukiullit angerlarsimaffimmi najugaqartut amerlassusaannut allannguutit kommunimut nalunaaruteqarnerup kingorna qaammatip tulliuttup aallaqqaataanit ilanngunneqartassasut. Aalajangersagaq imatut paasineqassaaq kommuni inuttaasumit nalunaarfigineqarsinnaasoq, soorluttaarlu kommuni nammineerluni iserfigisinnaasaminut pisinnaatitaaffimmi iluani CPR-inut nalunaarsuiffimmiit imaluunniit nalunaarsuiffinniit allanit tigooraasinnaasoq.

Ineqarnermut tapiissutit naatsorsorneqarneranni inoqutigiit meerartaat 18-it inorlugit ukiullit eqqarsaatigineqassapput. Naatsorsuitigineqarpoq ineqarnermut tapiissutit ingerlaannartumik naatsorsorneqartassasut, tassa inoqutigiinni meeqqap ataatsip 18-inik ukioqalernerata kingorna qaammatip tulliuttup aallaqqaataanit tapiissutit appartussanngorlugit.

§ 6-imut

Imm. 1-imut

Aalajangersagaq ineqarnermut tapiissutinik qinnuteqartoqarnerani atorneqartarpoq.

Siunnersuutip kingunerissavaa ineqarnermut tapiissutinik qinnuteqartut pissutsit pillugit kommunimut ilumoorlutik nalunaartussaatitalissammata, tamatumani inuup ineqarnermut tapiissutinik tunineqarnissaanut pingaarutilinnik allanngortoqarsimappat, tamatumanilu inoqutigiit amerlassusii, katitigaaneri aningaasarsiaallu kiisalu inissiaq taassumalu aaqqissugaanera pillugit paassisutissat pineqarput. Paassisutissiisussaatitaaneq ineqarnermut tapiissutinik communalbestyrelsip naatsorsuinissaanut pissutsinut pingaaruteqarsinnaasunutamma atuuppoq.

Imm. 2-mut

Aalajangersagaq innuttaasoq ineqarnermut tapiissutinik siusinnerusukkut tunineqarsimappat atorneqartussaavoq.

Ineqarnermut tapiissutinik tunineqartoq ineqarnermut tapiissutinik tunniussisoqarnissaani, kommunillu ineqarnermut tapiissutinik naatsorsuinissaani pingaaruteqarsinnaasunik malunnartumik allannguutinik nalunaassalluni pisussaaffeqarpoq.

Imm. 3-mut

Qinnuteqartup imaluunniit ineqarnermut tapiissutinik pisartagaqartup imm. 1-2-mi paasissutissat eqqaaneqartut tunniutinngippagitt paasissutissat pisariaqartut pillugit kommunanalbestyrelsi eqqoriaalluni aalajangiisinjaasoq, aalajangersakkami allaqqavoq.

§ 7-imut

Aalajangersagaq nutaajuvoq, tassanilu aalajangersarneqarpoq inunnut ineqarnermut tapiissutinik tuneqquasaangitsunut ineqarnermut tapiissutinik tunniussisoqannginnissaanik communalbestyrelsip ingerlaavartumik nakkutiginnittussaanera pisussaaffigineqartoq. Tamatumanilu aamma pineqarpoq aningaasat tunniunneqartut innuttaasup pisinnaasaanut naapertuuttuunersut.

Aalajangersakkatigut erseqqissarneqarpoq ineqarnermut tapiissutinik tunniussisoqarnerani communalbestyrelsi ingerlaavartumik misissuisassalluni pisussaaffeqartoq, tassungalu ilaalluni aningaasat annertussusiinut tunniunneqarnerannullu paasissutissat nutaat nalorninartoqarsinnaerannut isummersinnaaneq. ingerlaavartumik nakkutiginninnerit imaluunniit allanik paasissutissiinerit tunngavigalugit ineqarnermut tapiissutit tunngaviliunneqartut malinnagit tunniunneqarnerannut communalbestyrelsi pasitsaassaqassagaluarpat ineqarnermut tapiissutit tunniunneqarnissaat allanngortinneqarnissaalluunniit pillugit misissuinissaq siunertaralugu kommuni aaqqiissutissanik aallartitsissaaq.

§ 8-mut

Imm. 1-imut

Aalajangersagaq allanngortinneqarpoq, tassami aningaasarsiat § 5 malillugu naatsorsorneqarnissaat aallaavigineqarmat.

Imm. 2-mut

Aalajangersakkatigut Naalakkersuisut piginnaatinneqarput nalunaarummi ukiumoortumik ineqarnermut tapiissutit pillugit aningaasanut killiliissutit, nammineq akiliutissat aamma aningaasat minnerpaaffissaat annerpaaffissaallu pillugit maleruaqqusanik aalajangersaanissamut.

Inatsimmi § 5-imut innersuullugu meeqqat 18-it inorlugit ukiullit angerlarsimasut, inissiaq taassumalu aaqqissuunnera, attartornermut akiliut inoqutigiillu massakkut katillugit isertitaat

akileraaruteqarfiusut ilanngaasernagit aallaavigalugit Naalakkersuisut ineqarnermut tapiutit annertussusilertassavaat.

Qinnuteqartoq meeraqarnersoq imaluunniit meeraqannginnersoq apeqqutaalluni ineqarnermut tapiissutinik qinnuteqartup isertitaasa annertussusaa qanoq annertugissanersoq Naalakkersuisut killilersinnaavaat. Taassuma saniatigut ineqarnermut tapiissutinik pisartagallip nammineq akiliutissaanut sukumiinerusumik Naalakkersuisut inatsisinik aalajangersaasinnaapput.

Inissiap taassumalu aaqqissugaaneranut tunngavigineqartussat atuutsinneqalerteratigut ineqarnermut tapiissutit tamakkiisumik pisarnissaannut inissiamut piumasaqaatit suut equuutsinneqassanersut Naalakkersuisut nalunaarutinngorlugu aalajangersaasinnaapput. Taassuma ataani attartukkap aaqqissuunneranut piumasaqaatinik aalajangersaasoqarsinnaavoq, soorlu anartarfiersuinernut, attartugaq kuuginnartumik imeqarnersoq il.il., taavalu immikkut isaariaqarnersoq.

§ 9-mut

Imm. 1-imut

Aalajangersakkatigut oqaatigineqarpoq inissianut attartortakkanut ineqarnermut tapiissutit ukiup naatsorsuuteqarfiusup naanerani iluarsiiffigineqartassasut. Tamatuma saniatigut aalajangersakkatigut qularnaarneqarpoq ineqarnermut tapiissutit § 5 naapertorlugu iluarsiiffigineqarsinnaanerat.

Imm. 2-mut

Aalajangersakkatigut erseqqissarneqarpoq inissiani attartortittakkani ineqarnermut tapiissutit iluarsiiffigineqartarerat, inissianut immikkoortortaqrifit atorneqartut ataasiakkaat ukioq naatsorsuuteqarfiat malillugu tapiissutit ukiuat malillugit pisassaaq. Taamaasilluni inissianut immikkoortortaqrifit ataasiakkaat ukiumut naatsorsuutit tunniunnissaannut piffissaq namminneq aalajangernissaannut periarfissaat qulakkeerneqassaaq.

Imm. 3-mut

Inissiaq attartugaq inissianut immikkoortortamut attuumassuteqanngippat ukiup ineqarnermut tapiissuteqarfiusup ukioq qaammatisiuteqarfiusoq malissavaa.

§ 10-imut

Matumani maleruaqqusat atuuttut allanngortinnerat pineqarpoq, tassami siunissami inatsisini allanneqartuni qinnuteqaammut uppermarsaatissat pisariaqartinneqartut ilanngunneqartarnissaat pillugit piumasaqartoqartalissammatt.

Aalajangersakkatigut erseqqissarneqarpoq ineqarnermut tapiissutinik qinnuteqaat kommunalbestyrelsimit tunniunneqartassasoq.

Taakku saniasigut piumasarineqassaaq ineqarnermut tapiissutinut qinnuteqartoqarnerani uppernarsaatissat pisariaqartinneqartut ilanngunneqartassasut. Tassani ilaatigut ilanngunneqartartussaassapput attartornermut isumaqatigiissut, aningaasarsiatigut paasissutissat, ilaqtariit katitigaanerat, inissiaq taassumalu aaqqissugaanera pillugit paasissutissat il.il.

§ 11-mut

Imm. 1-imut

Aalajangersakkatigut erseqqissarneqarpoq kommunalbestyrelsi tassaasoq ineqarnermut tapiissutit pillugit aalajangiisussaq.

Ineqarnermut tapiissutit pillugit aalajangiineq § 5 malillugu paasissutissat aallaavigalugit pissaaq.

Imm. 2-mut

Aalajangersakkatigut erseqqissarneqarpoq, inissiani attartortittakkani ineqarnermut tapiissutit ukiumoortumik aningaasanut aalajangersimasunut naatsorsorneqassasut, taakku tolvtedeliat attartortup ineqarnerminut akiliuteqarnissa sioqqullugu qaamatikkaartumik ilanngaatigineqartassapput. Taamaalilluni ineqarnermut tapiissutit ineqarnermullu akiliutit nikingassutaat kisimi akiliutigineqartassaaq.

Imm. 3-mut

Ineqarnermut tapiissutit attartortumut ingerlaannartumik tunniunneqassapput.

§ 12-imut

Matumani maleruaqqusat maannamut atuuttut allanngortinneri pineqarput.

Imm. 1-imut

Aalajangersakkatigut ineqarnermut tapiissutit qinnuteqareernerup kingornagut, piumasaqaatillu naammassineqareerpata qaamatip aallaqqaataani atuutilersumik tunniunneqartarnerat erseqqissarneqarpoq. Qaamatip aallaqqaataaniunngitsoq ulloq alla inissiamut nuunnermi qaamatip tulliuttup aallaqqaataanit ineqarnermut tapiissutit tunniunneqassapput.

Imm. 2-mut

Aalajangersakkatigut erseqqissarneqarpoq ineqarnermut tapiissutit qaamatikkaartumik siumut tunniunneqartartut.

§ 13-imut

Matumani maleruaqqusat maannamut atuuttut allanngortinneri pineqarput.

Imm. 1-imut

Aalajangersakkatigut erseqqissarneqarpoq ingerlaavartumik imaluunniit siusinnerusukkut nalunaartussaatitaaneq eqqortinneqarsimassangippat ineqarnermut tapiissutinut annertuallaartumik tunniussisimanerit utertinneqarnissaat pillugit kommunalbestyrelsi aalajangiisinnaasoq.

Imm. 2-mut

Aalajangersakkatigut erseqqissarneqarpoq utertitsisoqarnissaanik piumasaqarneq pisortanut pillugit akiliisitsiniartarnermut inatsisit qaqugukkulluunniit atuuttut malillugit pisartussaammat.

§ 14-imut

Aalajangersagaq maleruaqqusanik ulloq manna tikillugu atuuttunik allannguineruvoq.

Imm. 1-imut

Ineqarnermut tapiissutinik tunineqarnissamut piumasaqaatit naammassineqarsinnaajunnaarsimappata ineqarnermut tapiissutit qanoq ilinerani atorunnaartussaanerat aalajangersakkut aalajangersarneqarpoq.

Imm. 2-mut

Nuuttoqartillugu ineqarnermut tapiissutit tunniunneqartut atorunnaassapput.

Inissiamut allamut nuunnermi ineqarnermut tapiissutit pillugit qinnuteqaat nutaaq tunniunneqassaaq.

§ 15-imut

Matumani maannamut maleruaqqusat atuuttut ingerlateqqinnejarnissaat pineqarpoq.

Imm. 1-imut

Aalajangersakkut aalajangersarneqarpoq inissiani attartortittakkani ineqarnermut tapiissutinut aningasartuutit avillugit Nunatta Karsianit 60 pct.-it kommunimillu 40 pct.-it akilerneqartarnissaat.

Imm. 2-mut

Aalajangersakkatigut Naalakkersuisut piginnaatinneqarput naatsorsuutinik saqqummiussisarnissaq kukkunersiuisarnissarlu pillugit maleruaqqusanik

aalajangersaanissamut. Aalajangersagaq taanna ilanngunneqarpoq ineqarnermut tapiissutinut aningasartuutit annersaannik Nunatta Karsia akiliisarmat.

§ 16-imut

Matumani maannamut maleruaqqusat atuuttut ingerlateqqinnejarnissaat pineqarpoq.

Aalajangersakkatigut erseqqissarneqarpoq inatsit taanna malillugu aalajangiinerit tamarmik Isumaginnittoqarfuiup aqunneqarnera aaqqissuussaaneralu pillugit inatsisiliornermi maleruaqqusat malillugit Isumaginninnermi Naammagittaalliuuteqartarfimmut naammagittaalliuutigineqarsinnaasut.

§ 17-imut

Matumani maleruaqqusat maannamut atuuttut allanngortinnerat pineqarpoq.

Imm. 1-imut

Aalajangersakkatigut erseqqissarneqarpoq inatsit ulloq 1. januar 2016 atuutilissasoq.

Taamaalilluni 1. januar 2016-ip kingorna ineqarnermut tapiissutinik naatsorsuinerit tamarmik inatsimmi tassani maleruaqqusat malillugit pisassapput.

Imm. 2-mut

Aalajangersagaq nutaajuvoq, tassanilu aalajangersarneqarpoq inatsisip atuutilernera sioqqullugu ineqarnermut tapiissutit naatsorsorneqareersut ingerlaannassasut, tamatumani lu piffissaq naatsorsuiffiusoq naareersimassasoq imaluunniit inoqtigiinni pissutsit allanngoreersimasut il.il. pissutigalugit naatsorsueqqinnissaq pisariaqalersimappat, tak. inatsisissatut siunnersummi § 5.

Imm. 3-mut

Aalajangersakkatigut erseqqissarneqarpoq Inissiani attartortittakkani ineqarnermut tapiissutit pillugit Inatsisartut peqqussutaat nr. 3, 31. maj 2001-imeersoq, Inissiani attartortittakkani ineqarnermut tapiissutit pillugit Inatsisartut peqqussutaata allanngortinneqarneranik Inatsisartut peqqussutaat nr. 13, 12. november 2001-imeersoq, Inissiani attartortittakkani ineqarnermut tapiissutit pillugit inatsisartut peqqussutaata allanngortinneqarnera pillugu Inatsisartut peqqussutaat nr. 13, 14. november 2004-meersoq aamma Inissiani attartortittakkani ineqarnermut akiliummumt tapiissutit pillugit Inatsisartut peqqussutaata allanngortinnissaa pillugu Inatsisartut peqqussutaat nr. 6, 7. maj 2007-imeersoq inatsisartut inatsisaata atuutilernerani atorunnaassasut.

Imm. 4-mut

Aalajangersakkap kingunerissavaa aningaasanut killiliissutit il. il. pillugit nalunaarut maanna atuuttoq nalunaarummik nutaamik taarserneqarnissaata tungaanut atuutissammatt.